



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 88. Rex & Regina Angliæ in Scotia

[urn:nbn:de:hbz:466:1-66459](https://nbn-resolving.org/urn:nbn:de:hbz:466:1-66459)

§. LXXXVII.

*Finis Commentarii Pii II.*Sæcul. XV.
A. C. 1463.

Usque ad hunc annum procurrunt Pii II. *Possevin. in*
 commentarii. Hi sub nomine Go-*appar. Sacr.*
 belini Personæ, qui eidem Pontifici a se-
 cretis erat, posteris relicti fuere, & pri-
 mum Romæ Anno millesimo quingente-
 simo octogesimo quarto cura & opera
 Francisci Piccolominæi Senensis Archie-
 piscopi publicam lucem aspexerunt, de-
 mum Anno millesimo sexcentesimo de-
 cimo quarto literis Francofordiensibus
 recusis prodierunt.

*Voss. l. 3. de
hist. latin.
c. 10. & seq.*

§. LXXXVIII.

Rex & Regina Angliæ in Scotia.

Postquam Eduardus, Eboracensis Fami-
 liæ caput, Henricum VI. Regem in præ-
 lio Fariburgensi devicerat, & Angliæ co-
 rona potitus erat, Lancastriensium factio
 tam præcipiti lapsu dejecta est, ut eam
 restaurare nemo auderet. Interea Rex
 unacum Regina in Scotia fugitivus hæ-
 rebat; Jacobus vero II. illius regni Rex fer-
 vente posteriorum annorum tumultu Te-
 viotiam obsedit, adverso tamen successu;
 quippe globus æneus, excussus e tor-
 mento grandiore die tertia Augusti Ju-
 venem hunc Regem nonnisi viginti no-
 vem annos natum in frustra discerpserat.

*Polyd. Vir-
gil. hist.
Angl. l. 24.**Roxburg.*

Eo

Sæcul. XV.
A.C. 1463.

Eo defuncto Maria de Geldria ejusdem conjux obsidionem profecuta, urbem occupavit. Hæc infelicem hanc Regnam, ejusque Maritum Henricum VI. maximo, quo potuit, honore excepit, quamvis Burgundiæ Dux, cujus illa Neptis erat, Renato Andegavensi Reginae Anglicæ Patri, insensus esset. Nec his contenta, etiam affinitatis vinculo illis arctius conjungi non dubitavit; propriam enim suam Filiam Valliæ Principi conubio tradidit. Quare Henricus accepti beneficii memor Bircovicum præfate Scotorum Reginae restituit. Interim Sommerfeti Dux, qui post nuperam cladem in Franciam se receperat, Ludovici XI. Regis jussu comprehensus, nonnisi exilio a regni finibus libertatem suam recuperavit, postmodum tamen Ducis Burgundiæ beneficio Brugam se recepit.

§. LXXXIX.

Regina Angliæ Franciam petit, suppetias imploratura.

Monstrelet
vol. 3. fol. 95.

Tandem Regina Angliæ, relicta Scotia, in Gallias proficiscitur, ut a Rege suppetias obtineret; Verum vix non omnem spem succiderant iniquissima Gallorum tempora; quippe Siciliae Rex Reginae Parens regno suo pulsus huc illucque oberrabat, & Francia post recuperatam